

Сән сенр лекц

Одахн „Кировский“ совхозин гурвдгч фермд „Атомн болн водородн бомбс келгъиг болн теднә сөрлгъиг уурулхин туск“ төрәр КПСС-н Яш-шукульск райкомин пропагандин болн агитацин отделин заведующ ұр Котова М.М. лекц умшв.

Лекц сонъссн хөбчнр: Гаряев Сангаджи, Сяриев, Гальшаев болн нань чигн улс, Советск Союзин төвкнүн бәәлгънә политикиг, ядерн селм келгънлә болн тедниг сөрлгънлә цуцрлт угагъар кеджәх ноолдаг нег дуугъар чик гидж дөнънцхәв.

Капиталистическ орн-нутгудар, тер догр Америкд, Англьд болн нань чигн газрар зер-зевәр агслгън зогсл уга кедә бәәхин тускар, ядерн селмиг гаргъад, сөрлгъ келдәд бәәдг учрар, тедниг бурушадж, эврәннь седкл дее-рәсн хөбчнр хәрү келцхәв.

Нарт-делкән бәәдлин тускар, научн болн политическ төрмүдәр малчнр-хөбчнр дунд ним лекц умшджатха гидж КПСС-н райкомас хөбчнр сурцхав. Сән лекц умшснднь ұр Котовад ханлт өргцхәв.

Х. САНГАДЖИЕВ.